



Broj: 01-143/26
Vareš, 01.06. 2026. godine

Na osnovu člana 33. stav 2. Zakona o pravobranilaštvu („Službene novine Zeničko-dobojskog kantona“, broj:12/13), člana 8. stav 3. Odluke o osnivanju općinskog pravobranilaštva Općine Vareš broj: 01-153/23 od 26.06. 2023. godine, člana 22. a u vezi sa članom 95. Statuta Općine Vareš (prečišćeni tekst) broj: 01-162/12 od 11.09. 2012. godine, na prijedlog Općinskog načelnika, Općinsko vijeće Vareš na 16. sjednici, održanoj 01.06. 2026. godine, d o n o s i

R J E Š E N J E
o imenovanju zamjenika općinskog pravobranioca
u Općinskom pravobranilaštvu Općine Vareš

Član 1.

KARAMUSTAFIĆ BELMA, magistar prava, imenuje se za zamjenika Općinskog pravobranioca u Općinskom pravobranilaštvu Općine Vareš.

Član 2.

Zamjenik Općinskog pravobranioca imenuje se za obavljanje službe u Općinskom pravobranilaštvu Općine Vareš, bez ograničenja trajanja mandata.

Član 3.

Ovo Rješenje stupa na snagu danom donošenja i objavit će se na oglasnoj tabli i web stranici Općine Vareš i Službenim novinama Federacije BiH.

PREDSJEDAVAJUĆI
OPĆINSKOG VIJEĆA

Igor Šimić

O B R A Z L O Ž E N J E

PRAVNI OSNOV

Pravni osnov za donošenje ovog Rješenja sadržan je u članu 8. stav 3. Odluke o osnivanju općinskog pravobranilaštva Općine Vareš broj: 01-153/23 od 26.06. 2023. godine kojim je propisano da općinskog pravobranioca i njegovog zamjenika imenuje i smjenjuje Općinsko vijeće na prijedlog načelnika, te u članu 22. a u vezi sa članom 95. Statuta Općine Vareš, kojim je propisano da Općinsko vijeće donosi rješenja i zaključke kao pojedinačne akte.

RAZLOZI DONOŠENJA

Na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine („Službene novine FBiH“, broj: 12/03, 34/03 i 65/13), te u vezi sa članom 34. stav (2) i članom 35. stav (2) Zakona o pravobranilaštvu („Službene novine Zeničko-dobojskog kantona“, broj: 12/13), kao i člana 8. stav (3) Odluke o osnivanju Općinskog pravobranilaštva Općine Vareš, kojim je propisano da općinskog pravobranioca i njegovog zamjenika imenuje i razrješava Općinsko vijeće na prijedlog općinskog načelnika, Općinski načelnik je raspisao Javni oglas za imenovanje Zamjenika općinskog pravobranioca Općine Vareš. Javni oglas objavljen je u „Službenim novinama Federacije BiH“, broj: 23/26 od 24.03. 2026. godine, te u dnevnim novinama „Dnevni avaz“ i „Oslobođenje“. Raspisivanje oglasa izvršeno je i u skladu s preporukom Ureda za reviziju institucija Federacije Bosne i Hercegovine, broj: 01-02-07-11-2-2991-7/23 iz jula 2024. godine.

Postupak po javnom oglasu provela je Komisija za provođenje javnog oglasa, u skladu sa važećim zakonskim propisima. Na objavljeni javni oglas prijavio se jedan kandidat – Belma Karamustafić. Komisija je izvršila pregled prijave i utvrdila da kandidat ispunjava sve opće i posebne uslove propisane javnim oglasom. Nakon provedenog intervjua i izvršene stručne procjene, Komisija je jednoglasno ocijenila da kandidat zadovoljava kriterije za imenovanje, te je dostavila prijedlog općinskom načelniku.

Općinski načelnik je, u skladu sa zakonskim ovlaštenjima, utvrdio prijedlog za imenovanje Belme Karamustafić na poziciju zamjenika općinskog pravobranioca u Općinskom pravobranilaštvu Općine Vareš i isti uputio Općinskom vijeću na razmatranje i odlučivanje.

Imajući u vidu naprijed navedeno, predlaže se Općinskom vijeću Vareš da usvoji Rješenje o imenovanju zamjenika općinskog pravobranioca u Općinskom pravobranilaštvu Općine Vareš.

DOSTAVLJENO:

1 x Karamustafić Belma,
1 x U dosje,
1 x Odsjek za finansije,
1 x a/a.

**PREDLAGAČ
OPĆINSKI NAČELNIK**

Malik Rizvanović